



沈先生春秋比事卷之六

晉

悼公名周成十八年立襄十五年卒在位十六年

晉自文公興霸其子孫更五君皆無蹟迹足以昭前人悼公自外至國人賢而立之遂能率服諸侯外強內安用成霸業比功重耳可謂盛矣攷其大要始勤宋次服陳鄭次又服鄭後制秦定衛垂休身後猶能杜強楚之侵陵而中國賴以不擾自襄靈以來未之有也請列其爭而言之。宋共公卒蕩澤作亂殺公子肥華元奔晉魚石奔楚逮十八年楚鄭間晉之亂

伐宋彭城以納魚石冬又侵宋宋人告難于晉悼公
遂會諸侯同盟于打左氏謂謀救宋也宋辭諸侯而
請師以圍彭城故十八年晉侯盟以謀之襄元年晉
栾黶合九國大夫圍宋彭城左氏彭城非宋地追書
也於是為宋討魚石遂稱宋且不登叛人也蓋楚子
伐宋取彭城使魚石守之所以逼宋也伐取宋邑寵
其叛臣則楚之惡可知矣故雖入楚孔子還繫之宋
所以抑強狄而黜叛逆也按左氏云彭城降晉晉人
以魚石置諸瓠丘若此者悼公勤宋之績也○晉憤
鄭之此楚故是年韓厥帥師伐之而楚使公子壬夫
侵宋以救鄭明年鄭師伐宋又師宋衛侵之是年秋
晉荀瑩會六國大夫于戚冬又會九國大夫于戚遂
城虎牢以逼鄭鄭乃求成公羊謂虎牢鄭邑言城之
不言取之為中國韓伐喪也是年鄭伯卒故夫不言
伐取且不係之於鄭皆所以與晉也鄭叛去中國與
楚此周荀瑩再會于戚城虎牢以逼之然後始服故
不繫之於鄭使若自城中國之邑然後鄭服以安諸
侯晉之美也公羊以為諱伐喪豈不陋哉且戚之始
會齊滕薛小邾不與而次會皆與者左氏謂元年鄭
之會崔氏有背晉之言滕薛小邾不至皆齊故也晉

請於齊齊懼晉伐故戚之再會齊帥小國從之然終悼公時盟會侵伐唯崔氏太子在列齊侯未嘗親至其間如彭城之圍鄒之會齊又不來則知齊雖名為從晉而其實有貳晉之心也逮三年晉已得鄭故大合諸侯盟于雞澤以結鄭之好而陳侯使表僑如會遂以諸侯大夫共盟表僑夫陳之比楚久矣唯重耳定霸于城濮始來會盟自後一於附楚雖間從晉好不旋踵而叛之則晉之得陳尤難於得鄭也今悼加兵于鄭僅得就盟于陳不舉一戰乃能使慕德悅義背強楚而即中國則其霸業之強殆不減於重耳焉若此者悼公服陳鄭之績也雖然陳之勢不與鄭等蓋其地遠國弱脅制於楚雖中國盛強可使蹙來而不可使久故鄭可爭也陳不可得也五年晉尋戚之會合十四國以戍陳未幾而楚師伐之晉侯雖以諸侯之師戮力救陳而七年鄒之會陳侯逃歸自是不復盟會矣非悼公德不足以懷之強不足以服之蓋其勢不可也楚既得陳復欲爭鄭故八年晉侯會諸侯于邢丘左氏謂鄭伯獻蔡捷于會遂親聽命故是年冬楚公子貞帥師伐之討其侵蔡也鄭懼楚之伐遂與楚平故九年晉侯合十一國以伐鄭鄭服晉竟復於

是同盟于戲盟會方罷楚楚復伐鄭鄭人又與楚平
是以十年楚鄭連師伐宋而晉侯合十二國伐鄭以
報之遂成鄭虎牢二年城虎牢而鄭服此年成虎牢
而鄭不服故城虎牢則不繫之鄭成虎牢則以鄭言
之蓋諸侯與楚爭久矣自襄二年至于此年鄭凡再
服而再叛始也諸侯大夫城虎牢而鄭服今以十二
國之師重兵成之而不能得鄭是諸侯之無能也故
虎牢雖諸侯所成孔子還繫之鄭蓋譏之也至十一
年鄭帥師侵宋晉以諸侯伐鄭同盟于亳城北鄭雖
受盟旋以叛晉故與楚子伐宋而晉侯又以諸侯伐
之會于蕭魚鄭始服也至此蕭魚之會鄭凡三服而
三叛自是一服之後中國能有鄭二十年蓋自二霸
以來服鄭之功未有若此之懿也夫言伐而復言會
者得鄭伯之辭也故下文云公自至會不以伐鄭致
又云楚人執鄭行人良霄則其得鄭可知矣然既得
而不以盟結之乃獨書會者蓋九年戲之會是年亳
城北之盟非不盟也然其反側之心雖盟無益今鄭
知楚不足恃而堅從晉好不假盟約故特會之而已
若此者悼公服鄭之績也。夫楚已懼矣鄭已服矣
為晉之敵者惟秦而已蓋秦晉結怨自襄至悼凡六

君矣交兵不息償報無時而悼公於襄十四年服鄭
之後使荀偃合十三大夫并力伐秦自此終於春秋
秦不復窺晉若此者悼公制秦之績也。是年衛侯
不君為甯殖孫林父所逐出奔于齊晉士匄合七國
大夫于戚左氏謂謀定衛也是時衛已立剽晉侯欲
討之中行欬子曰伐之未可以得志而勤諸侯不如
因而定之蓋使衛侯無罪而見逐則剽不可不定衛
不可不討今衛侯得罪於衛自取奔逐之禍則立衛
剽而安諸侯可也若此者悼公定衛之績也

○至若強吳則自厲公之時與之會于鍾離悼公繼
好凡三與吳會襄公五年晉侯合十四國於戚吳人
聽命于會夫吳負夷狄之性強狡獪狠不易制也今
茲遠慕中國來會諸侯非悼公之威會足以制之也故

聖人於此特書吳人所以進之也十年晉侯合十二
諸侯會于祖左氏謂吳子壽夢也於是荀偃士匄請
伐偃陽而封宋向戌成焉遂滅之而戌解偃陽乃與宋公
偃陽中夏之微國也夫遠會強夷以滅中夏之微國
此則悼公之罪也至十四年晉士匄合十三大夫會
吳子向左氏謂吳告敗于晉為楚敗會于向吳謀楚
也范宣公子數吳之不德以退吳人攷之經楚伐吳

在襄三年距向之會踰十年矣何為至此始籍晉以謀之以吳之強中國諸侯猶憚而從之何畏楚哉左氏之說似未安也雖然吳者楚之仇讎而中國之聲援也故中國得吳可以鉗楚之暴而吳楚交橫則中國益微而夷狄益盛矣然則晉凡三會強吳進不與之結盟退不與之攻伐特為會以禮之誠得所以擯時之宜而以霸主臨帥諸侯而往會焉亦足以傷中國之衰微也夫悼公盟諸侯者三莫盛於三年雞澤之盟會諸侯者八莫盛於五年威之會伐國者六莫盛於十一年伐鄭之役歆觀晉霸之盛即此三者可以曉然矣

平公名彪襄十六年立昭十年卒在位二十六年

平公在位二十六年即位之初承悼公之烈鄭已服從中國故侵伐罕見惟齊皆好數與魯仇衛邾皆一叛盟會伐曹伐魯而衛且有弑君之亂故見於經者時有執伐之文自襄二十年以後大夫交亂無國無之自二十七年以後夷狄親中國之柄浸逞殘暴是時晉雖有盟會以親諸侯而與夷狄狎主夏盟混然無別至昭二年以來則諸侯各救國亂不暇相攻而中國之盟會寂然不復講矣嗚呼悼公之業一跌不

復晉主諸侯使衰亂至此豈非平公之罪哉請摠其事而言之。哀十六年平公始即位合十一諸侯會于溴梁晉人執莒子邾子以歸以魯故也蓋在悼公時邾莒數侵魯境襄八年莒伐魯十年十二年又伐魯十四年侵魯十五年又邾伐魯魯與邾莒常與盟會服從中夏而邾莒皆盟棄好敢陵大國故平公於此執之然而邾莒既預盟會退復執之非所以正其罪也執而以歸不歸京師非所以尊王室也至十七年經書邾子貜卒則知前年晉執邾子尋已赦之故也邾人不悛是年冬復伐魯南鄙故十九年祝柯之盟晉執邾子以討其罪自是之後不復加兵於魯矣。齊以十六年伐魯北鄙十七年兩伐魯十八年又伐之魯衛以十七年伐曹皆背盟好而尋干戈在諸侯不可不討也十八年晉人執衛行人石買以曹故也是年大合諸侯圍齊以魯故也衛已服罪故圍齊之役衛侯在列圍齊既終故十九年諸侯盟于祝柯以固前好而齊猶未肯服也故經於是年書士匄侵齊聞齊侯已卒乃還彼三傳皆取之是不然宣成而下政在大夫至此而尤專矣故士匄受命以出廢命而還雖有不伐喪之善而墮君之命其罪又有大於此者

齊以晉數見伐故十二年澶淵之盟來從晉好至此而齊始服矣然齊至二十三年又復叛晉伐衛伐晉連見於經故二十四年平公會諸侯于夷儀以謀伐齊而二十五年崔氏弑其君以悅於晉晉侯許之故盟于重丘左氏云齊成故也二十六年衛甯喜弑其君孫林父竊邑以叛晉人會于澶淵以林父故謀討衛故疆戚田又執衛甯喜書晉人執得其罪也平公能終始力服齊衛故二十七年衛石惡受宋之盟二十九年齊高止與城祀之役皆從晉好莫有携貳則齊衛於此又復矣。許雖小國常叛中國之盟會在襄三年悼公嘗一伐之至十六年許欲叛楚廷于晉許大夫不可左氏云故荀偃帥五國之師伐許討其不遷也凡此數者皆平公營中國而正諸侯之事也然晉為盟主崔氏弑君以求成平公不能討治其罪而受賂於亂臣之手苟欲其服降而不顧名義之重何以合諸侯哉逮衛之亂雖能執衛甯喜而受林父之竊邑則仇甯喜者非討其弑君之罪蓋討其伐孫氏也事見前於齊則苟悅其服於衛則苟利其邑區區糾糾率諸侯為不義之舉則晉德至此尤衰矣夫崔氏負滔天之惡人所弗容林父有叛君之罪宜誅

戮不貸者也。晉不能討，反嬖寵之，以臣志。君是長權，臣之禍亂也。○蓋自襄二十年，大夫專恣，奔亂浸不可制。故經書大夫之事，或殺或奔，或叛比，國皆然。二十年，蔡殺公子燮，公子履奔楚。三十年，蔡世子般且有弑君之亂。二十年，陳侯之弟奔楚。二十三年，殺兩大夫。二十四年，陳宣咎奔楚。昭八年，陳侯之弟招殺世子偃師。公子留奔鄭，陳殺公子過。二十一年，邾庶其以邑奔魯。二十三年，邾畀我奔魯。二十一年，晉欒盈奔楚。二十三年，入于曲沃。二十二年，楚殺公子追舒。昭元年，楚公子比奔晉。五年，楚殺大夫屈申。襄二十三年，魯滅紇，奔邾。二十五年，齊崔杼弑其君。二十八年，慶封奔魯。二十九年，高止出奔北燕。昭十年，欒施奔魯。二十六年，衛甯喜弑其君孫林父，入于戚，以叛。二十七年，衛弑甯喜，衛侯之弟鱄奔晉。二十八年，石惡奔晉。三十年，天王弑其弟佖，夫王子瑕奔晉。鄭良霄奔許，自許入于鄭。鄭人殺之。昭二年，鄭殺公孫黑。襄三十一年，莒人弑其君昭。元年，莒去疾自齊入于莒。莒展與出奔吳。昭五年，莒年夷以邑奔魯。秦伯之弟鍼奔晉。六年，宋華合比奔衛。凡此者，上自天王，次及盟主，下至小國，權臣起亂，莫此為甚。原其禍端。

蓋起於襄十六年溴梁之會政在大夫諸侯會而大夫盟也晉宗諸侯平公方立不能一正網維而使權移臣下故數十年之間權臣之亂所以相尋而作也襄十七年宋華元奔陳十九年齊殺高厚鄭殺公子嘉雖有大夫之亂未始如二十年後之甚尔由是楚人乘間得逞故二十七年晉楚會諸侯于晉夫晉與楚敵國也前此有征伐而無會盟蓋中國諸侯倚晉為重賴以屈服強楚不使與中國之禮文也今晉不能服楚既合諸侯大夫同會又復與之結盟則中國之衰夷狄之強可知矣故二十八年書魯公如楚以見中國諸侯不莫朝于楚矣三十年書楚使遠罷聘魯以見中國諸侯莫不受其聘好矣是以昭元年晉楚大夫會九國大夫于魏昔之從晉者今轉而與夷狄交至昭四年楚遂得專制諸侯之會合十三國于申而堂堂之晉於此蔑聞矣楚得肆其暴橫遂因會而執徐子因伐吳而殺齊慶封慶封以襄二十八年奔吳又以諸侯滅賴五年復以諸侯伐吳八年滅陳殺陳行人于徵師陳孔魚執公子招天下之政中國之事皆制於夷狄之手而晉及諸侯不復盟會之好是見中國不振喪亂日甚幅裂橫潰權在夷狄於斯

時也天下知有強楚而不知有晉也故平公之盟五
止於襄二十七年七年為會六止於昭元年侵伐圍各一
止於襄十九年自是而降天下紛紛權臣蠱其內夷
狄擅其好如前之所云云中國之氣不可望其復奮
焉春秋之法責其禍首皆晉平之罪也嗚呼悼公之
賢其興也如彼平公之昏庸其衰也如此舉天下之
盛衰係於一晉而一晉之強弱係於二君彼紹霸業
為盟主者且猶若是况後世有天下者可不鑒其覆
轍乎平公之盟五自溴梁止於宋是也會六自商任
止於號魏是也城一杞是也攷之經襄十六年平公會

諸侯於溴梁戊寅大夫盟執莒子邾子以歸按三年
雞澤之盟叔豹及諸侯之大夫及陳袁僑盟言諸侯
之大夫此直曰大夫盟不言諸侯者雞澤之會諸侯
始失政至溴梁則尤甚矣政在大夫故不言諸侯之
大夫大夫無諸侯故也○十九年諸侯盟于祝柯即
十八年圍齊之諸侯也於是執邾子討其伐魯也
○二十年〇年合十三諸侯盟于澶淵左云齊成故也
齊始與晉平二十五年盟于重丘左又云齊成故也
蓋齊二十三〇皆晉之好伐衛伐晉二十五年伐魯
晉合諸侯將伐齊齊人懼執莊公以求成諸侯許之

遂同盟于重丘莊公背澶淵之盟加兵晉衛信不道矣然齊人執莊公以求成遂之大者晉侯不能倍討何以宗諸侯宜乎大夫日熾自是卒不可制也故先書崔氏之執以著其惡焉○二十七年晉趙武楚屈建會諸侯大夫于宋按左氏宋向戌善於趙文子又善於楚子未欲弭諸侯之兵者楚許之故召諸侯而為此會復與之盟故經於會宋之下書曰豹及諸侯之大夫盟于宋然晉不能制楚及與盟會使得誘諸侯而制之則中國之衰前此未之有也凡此五者平公之盟也○襄二十一年平公合諸侯于商任左云錮栾氏也燕是年栾盈奔楚恐復奔諸侯為晉之患故為此會使諸侯不得受也○二十二年合十二國諸侯會于沙隨左云復錮栾是也於是栾盈在齊齊侯在此會明年遂棄好伐晉則知栾盈有以間之故也○二十四年合十二國諸侯會于夷儀謀伐齊也○二十六年魯襄會四國大夫于澶淵以討衛疆戚田取衛西鄙懿氏六十井以與孫氏趙武不書尊公也向戌不書後會也蓋是年衛甯喜執其君剽納衛侯衍攻孫氏孫林父以戚如晉衛人侵戚東鄙孫氏愬于晉故晉趙武為此會以討衛也○

三十年晉人會十一大夫于淵澶宋災故皆稱人左
云諸侯之大六謀歸宋財既而無歸故卿不書無信
也。昭元年晉趙武帥公子圍會諸侯之大夫于魏
左云尋宋之盟也凡此六者平公之會也。襄二十
九年晉荀盈會十一大夫城杞左云平公杞出也故
治杞夫合諸侯以救諸侯之急盟主之事也今平
公杞杞而役諸侯以從其命則可以使其懷服者杞
凡此者平公之城國也

昭公名夷昭公十一年立十六年卒

晉自平公時昭公元年會楚于魏其後楚靈橫制中
國諸侯無會盟者十年昭公繼立務親諸侯故即位
之初為會厥愬者一同盟于平丘者一而晉德既衰
楚益暴橫諸侯貳晉故自平公一盟之後諸侯無盟
會者又十一年雖鄭已服從中國無他侵伐然楚之
陵蔑諸侯肆其毒噬非不虐也使晉能與楚爭則必
帥諸侯之師捍其驕鋒使之狼顧脅息不敢復逞今
昭公在位坐視陳蔡之夷滅而不能援師一救徒加
兵於鮮虞同姓之國則晉之衰弱可知矣請攷經而
備論之。昭十一年晉韓起帥七國大夫會于厥愬
左云謀救蔡也蓋是年楚子虔誘蔡侯般殺之于申

公子弃疾帥師圍蔡故韓起為此會謀以救之然而
 中國既衰力不敵楚徒為是會而不能救故是年冬
 經書楚書滅蔡執蔡世子有以歸用之用見中國之
 無能而愈增楚子之驕暴也○十三年晉侯會劉子
 合十四國同盟于平丘左公晉成虜禘祈左傳八年諸
 侯朝而歸者皆有貳心叔向曰諸侯不可以不示威
 乃並召會合諸侯於平丘晉將尋盟齊人不可叔向
 曰告于齊齊人懼遂同盟于平丘齊服也邾人莒人
 愬於晉曰魯朝夕伐我晉侯不見公故經書不與盟
 晉人執季孫意如以歸以邾莒也夫自襄二十五年
 重丘之盟至此平丘之盟中國不尋盟者十九年今
 晉昭一旦致劉子合諸侯同盟于此非能示威於諸
 侯也蓋乘楚靈弑逆之禍爾雖乘其禍而晉寔不能
 抗楚則上會王臣下合諸侯雖盟會之好其寔無益
 也公不與盟者晉侯不與公盟也晉侯與公同事而
 不同盟又執意如以歸非所以宗諸侯也天下孰不
 解體故自是訖召陵定四年諸侯不出者二十四年
 至如刺陵之會晉不主盟則不足以宗諸侯昭二十
 六年○十二年平書晉伐鮮虞稱圍伐者狄之也楚
 靈矜滅陳蔡晉不能救其惡已甚今又與楚交伐同

姓之國此夷狄之道也故於此狄之十五年荀吳帥師再伐鮮虞此不狄之者義已見十二年也夫襄二十五年重丘之盟皆稱諸侯之爵自澶淵之會宋之盟城杞之役又三十年澶淵之會皆大夫主之諸侯不見者十九年至于平丘之盟諸侯幸一見經然改其前後會盟大抵多出於臣則知平昭之際中國之禍非特遠在夷狄而近在於大夫者尤甚也嗚呼惜哉

頃公名去疾昭十七年立三十年卒

頃公在位十四年盟會侵伐特少於群公蓋盟以結信會以合好侵伐以救患討貳皆盟主之事也然當晉盛強德禮威刑足以制服方國以命則從以討則正此盟會侵伐所以協力同心而不廢逮頃公時承平昭之後浸以衰微賴波至此橫潰莫救諸侯各有貳心而晉之命令不足以攝威之是以四者所書寥寥不見於經雖僅有之然出於勉焉故盟不足以為盟會不足以為會侵伐不足以為侵伐用見晉之季世德祚不延區區自正其國之不暇又何以主諸侯哉今攻其事而詳之○昭二十五年晉趙鞅會九國大夫于黃父左氏謂謀王室也趙簡子令諸侯之大

夫輸王粟具戍人曰明年將納王蓋二十二年王室
 有子朝之亂二十三年天王居于翟泉是會之後二
 十六年天王入于成周攷經之前後則左氏之說似
 可信也當是時晉已失諸侯欲以大義令之覲其端
 心故假王室之亂而為此會耳然勤王室者諸侯之
 任今大夫專之則知列國諸侯太阿之柄久已奪於
 臣下矣○二十七年晉士鞅會五大夫于扈左氏謂
 令戍周且謀納昭公也宋衛皆利納公固請之范獻
 子取貨於季孫不克納昭昭二十五年孫于齊夫以晉
 德不競大夫專權黨私背義以貨自污坐視諸侯之
 出逐而不能納之則滔滔天下非諸侯之國皆大夫
 之國莫國也且黃父及此兩會齊皆不與而黃父之
 會從晉者九國今此從晉者五大夫蓋知頃公不君
 莫能致齊而特晉者尤寡矣○自是訖無盟會而侵
 伐之事特兩見經一以滅陸渾之戎一以圍周之郊
 已而雖然晉之衰弱若此之甚而強楚不乘其勢殘
 暴諸侯何也蓋有吳以為之敵也陳時蔡頓胡沈許
 皆為楚所有不復覲心中原而又強吳奮起浸以病
 楚故昭十七年楚人及吳戰于長岸二十三年吳敗
 頓胡沈蔡陳許之師于雞父滅胡沈獲陳夏齧皆楚

之屬國也為是楚不敢暴橫中國而諸侯得以少休
然則中國之有吳雖夷狄迭盛可傷蓋亦一時少假
則力也

定公名榮昭三十一年五未卒而春秋終

晉自定公衰弱尤甚前平昭頃三公雖不能力強
霸業然諸侯猶與晉同好未敢相侵若敵國然逮定
公時內則大夫報亂外則諸侯見伐至若城周之役
侵楚納衛世子之師似皆近於正者而詳攷其故寔
皆衰亂之舉也請備載其事而言之○昭三十二年
書韓不信帥一國十大夫城成周者二十六年天王入于成

周諸侯戍之至此王使如晉請城成周以無勤戍人
故晉合大夫城之然天子微故諸侯不城京師而大
夫城之是天下無諸侯也故不曰京師而曰成周不
與大夫城京師也然則城周雖曰美矣而權在大夫
是尤見其衰亂也○定四年晉侯合十九國于召陵
侵楚者楚與吳為讎敵吳方盛強楚人憚之故晉侯
挾吳之強乘楚之衰大合諸侯以侵楚蓋蔡許頓胡
其臣服於楚久矣而晉不能抗楚亦久矣今臣服於
楚者反從晉以侵之而晉侯一旦能合諸侯以兵楚
用見楚方病吳故諸侯乘其勢耳夫假吳威強以伐

人固已可耻猶不能戮力一戰破其城邑使殄滅無
餘以快天下之心徒耀師召陵輕侵而退則晉之無
能可知矣然則侵楚雖曰美矣而不能成服楚之功
是又見其衰亂也○哀二年晉書趙鞅帥師納衛世
子蒯賾于戚夏四月衛灵卒衛人立輒輒蒯賾之子
故晉帥師納蒯賾于戚其言于戚者為輒所拒不得入
于衛也案定十四年衛世子蒯賾出奔宋今輒已立
而經於納奔皆稱世子者蒯賾當嗣輒貪國叛父逆
亂人倫以滅天性孔子正其名以書之也則晉納蒯
賾於名義為得正矣然以晉大國兩舉得義而卒不
克納尚何以長中夏哉然則納蒯賾雖曰美矣而力
不足以納之是又見其衰亂也蓋當是時内外多虞
晉之所以為晉日趨於亡故定十三年書晉趙鞅入
于晉陽以叛首寅士吉射入于朝歌以叛繼書趙鞅
歸于晉前此襄二十一年栾盈奔楚二十三年復入
于晉入于曲沃經不書以叛者晉之威刑猶足以制
之也故於是年冬書晉人殺栾盈見君晉之威刑足以
制之也逮此趙鞅首寅士吉射特變文以叛名之又
歸趙鞅歸于晉而無執殺之文如殺栾盈者知君之
威權奪于鞅于或叛或歸莫敢誰何此則在内之亂

也。定八年書晉士鞅帥師侵鄭，遂侵衛者，定七年
齊侯鄭伯盟于鹹，又書齊衛盟于沙，是衛鄭兩國已
附齊而叛晉，故鞅於此侵之。又於十年趙鞅帥師圍
衛，然皆不服。至哀六年，齊侯衛侯更連師伐晉，二年
晉趙鞅及鄭罕達結戰于鐵，蓋知晉之不足懼也。晉
為是交怨愈深，故哀五年趙鞅伐衛，七年魏曼多侵
衛，十年趙鞅侵齊，十三年曼多復侵衛，而三國終不
服。夫齊為春秋強國，猶時敢抗晉，衛則附晉為多，鄭
雖數叛晉，從楚未嘗敢與晉戰也。齊衛交兵于晉，而
最爾之鄭且戰于鐵，以爭兩國之勝負，則晉之衰弱
至此極矣。此又在外之亂也。哀亂如此，不能爭所
必爭，而獨用師於鮮，虞故定四年晉士鞅帥師伐鮮。
虞五年圍之，哀六年又伐之，是猶豺狼橫道，避而不
顧，而竭力於雀鼠之微也。觀其盟會之事，曠然不講，
獨定四年盟于臯，馳此特侵楚而為此盟也，皆不聞
大合諸侯，尋盟修會以固中國之好。如曩時者，蓋諸
侯不親，則晉雖為欲此勢所不可惜乎？文公顛顛基業，
至定公而墜地，中國復何所賴哉！宜乎聖人傷之而
絕筆於獲麟也。

息丕鄭父始以見殺書皆不以盟會侵伐得書於經
 也歷惠至文經皆書晉侯晉人亦未有以名氏見者
 逮襄公即位文二年始書處父盟會自是以後大夫
 專盟會侵伐不可勝舉皆自襄公之作俑也當是時
 慶父盟魯文公伐楚救江士穀盟三諸侯采陳鄭顯
 然稱名於冊冊書於是盟伐之柄得專於臣下矣。靈
 公驕淫不君未嘗出預國事皆其臣下專之故扈之
 盟書晉大夫衡雍新城之盟書趙盾承匡之會書卻
 缺伐蔡入蔡亦書卻缺救陳書趙盾侵崇書趙穿其
 他或稱人或稱師會無晉侯之舉是見主威奪而權

沈先生卷之六

七

沈先生卷之六

臣僭蓋尤甚於襄公也。成公在位不久治亂無可
攷然懲靈公之惡兩會諸侯皆身親之如趙盾侵陳
荀林父伐陳卻缺救陳不過統總備師以當危事此亦
臣之常職未若專盟會之僭也。景公與衰植仆爵
見經者居多雖邲之戰書荀林父鞏之戰書卻克伐
廡咎如書卻克侵蔡書栾書伐邲書士燮伐鄭書栾
書合諸侯而大盟會則非諸臣所得預。厲公強復
不仁阻兵安忍固非晉之賢君然權綱不移於臣凡
會盟侵伐所以營中國而長諸侯者多出於已惟三
乞師成十三年卻克衛十六年栾廙十七年荀瑩兩盟

會成十一年卻擊來聘及魯盟十六年行父及卻擊盟

經書大夫蓋乞師與國盟國故大國之君所躬為者而成
十一年卻擊因聘魯而盟十六年擊以晉卿盟魯卿
不過魯卻結好於晉而勢不敢與晉侯抗故因聘而
結盟遣上卿而盟晉卿迺魯侯事晉之勤非晉大夫
專盟之過也至鍾離之會士燮合六國大夫以會吳
此蓋不以諸侯屈於強吳猶未至於甚專也悼公與
霸服陳得鄭功烈固亦美矣而當時列國大夫各擅
其政植黨比私勢焰愈熾悼亦因仍不革雖功烈可
紀而弱於威制故大夫專恣遽甚於前者由悼公之

起也之大夫襄元年栾廩合八大夫圍宋彭城二年荀

瑩會五國大夫于戚冬又會九國大夫于戚遂城虎

牢十四年士匄合十二國大夫會吳于向荀偃合十

二國大夫伐秦士匄合六國大夫于戚類皆摠諸侯

之師主會伐之柄非專恣而何三年雞澤之盟又其

甚者諸侯失政蓋始於此矣夫悼公同盟于雞澤既

而諸侯使袁僑如會諸侯既盟則袁僑如無盟可也

己未諸侯盟伐寅大夫盟是大夫強而諸侯始失政

也為悼意若曰陳侯使袁僑來非盟無以結之徒知

急於服陳而不知盟以結信國政係焉是得一陳而

失諸侯之政也。平公繼世國勢浸微即位之初會

于溴梁諸侯會而大夫盟則其政在大夫又有甚於

雞澤之盟也蓋雞澤之盟諸侯猶有盟也又稱諸侯

之大夫則猶有諸侯之辭今諸侯為會而大夫結盟且

直曰大夫盟不復諸侯之大夫無諸侯故也至二十

七年趙武合八國大夫于宋遂盟于宋復係之諸侯

者不與大夫無諸侯也不與大夫無諸侯者孔子傷

天下之亂疾之甚也自是以前十六年荀偃合三大

夫一諸侯伐許十九年士匄侵齊廢命而還士匄會

叔孫豹于柯雖曰大夫之專而諸侯會盟猶屢見於

經自是以後諸侯尤微天下之政中國之事皆大夫
持之故二十九年荀盈合十國大夫城祀三十年晉
人合十一大夫會于澶淵昭元年趙武會十大夫子號
諸侯莫有見者是知天下之政中國之事皆主於大
夫故也。昭公承衰微之緒享國不長事罕見經而
十一年韓起會七國大夫于厥憇是亦悼平之故風
也然猶能糾帥師諸侯盟于平丘。至于頃公則未
嘗親出盟會昭二十五年趙鞅會九國大夫于黃父
二十七年鞅會五國大夫于扈皆屬諸臣則其衰削
殆有甚於昭公矣。陳陵遲至于定公顛危弗持將剖
心於卿之手雖召陵之役黃池之會兩見於經而侵
伐之事大抵皆六卿專之故昭三十一年荀躒會季
孫意如于適歷夏唁昭公于乾侯此則知知氏之專
也。定四年士鞅伐鮮虞五年圍之八年侵鄭遂侵
衛十三年士吉射入于朝歌以叛此則范氏之專也
。定十三年荀寅入于朝歌以叛此則中行氏之專
也。昭三十二年韓不信合十三國大夫城成周此
則韓氏之專也。定十年趙鞅圍衛十三年入于晉
陽以叛復歸于晉哀六年納衛世子蒯聵于戚及鄭
師戰于鐵五年代衛六年代鮮虞十年侵齊此則趙

沈先生春秋比事卷第六
氏之專也。哀七年魏曼多侵衛十三年復侵衛此則魏氏之專也。凡此六卿磨牙鼓毒各有吞晉之心外則諸侯已離內則權臣僭叛定公於此魯會不一舉手焉晉雖曰晉其實六卿之有也聖人筆削之際蓋不忍言所以絕筆於獲麟也晉自獻至定凡慮三變獻惠文公則國政一出於君故經於盟會侵伐無書卿者襄靈成景厲公則國政漸奪於臣故經書侵伐會盟多主於卿自悼以來國政一委於大夫故未流尾大之患卒致滅士不可復救然則人君威福之柄可不戒哉

沈先生春秋比事卷第六

